

AMBIENTE

POETS



"PAPITO Y SU DOBLE SABOR BACK IN TOWN" Cu barbanan blanco!



Siman pasa e popularisimo agrupacion musical Papito y su Doble Sabor, a regresa for di Hulanda caminda nan a realisa un gira di un luna.

E gira aki a resulta den un exito rotundo, caminda masha hopi Arubano, Antillano y Macambanan a goza un bol riba e ritmo unico di Papito y su Doble Sabor.

E banda aki a worde reconoci como un banda profesional, apesar cu tur e intergrantenan tin nan trabao diario.

Intencion ta pa bolbe haci un gira pa Hulanda, y tambe otro paisnan. Muy pronto

nan lo drenta studio pa graba nan prome Compact Disc. E siman aki Doble Sabor lo tuma un siman di vacacion bon mereci, y otro siman nan lo ta den full swing atrobe. Nan fanaticonan ta masha contento cu nan ta back, pa asina bolbe bailanan.

DEN AMBIENTE a observa na yegada cu Papito y Nelis Winklaar a presenta cu barba al-estilo Ali Baba. Despues di dos dia Nelis a haye obliga di ta kita barba den pura, pasobra barba a cuminsa ta bira blanco blanco di tur e sneewnan cu a keda pega.

